

**Transport vazirligi huzuridagi Transport nazorati inspeksiyasida  
2025-yil mart oyi (I chorak) bo'yicha korrupsiyaga qarshi kurashish  
tizimining amal qilinishi haqida  
UMUMIY HISOBOT**

**I. Transport vazirligi huzuridagi Transport nazorati inspeksiyasi (keyingi o'rinlarda - Inspeksiya)ning Korrupsiyaga qarshi chora-tadbirlar dasturi bajarilganligi to'g'risida umumiy axborot.**

Transport nazorati inspeksiyasi faoliyati samaradorligini oshirish korrupsiyaga qarshi kurashishni tashkil etish bo'yicha 2025-yil uchun "Chora-tadbirlar rejasi" tasdiqlangan.

Shuningdek, Korrupsiyaga qarshi kurashish agentligining e-anticor.uz platformasi orqali korrupsiyaviy xavf-xatarlar Xaritasini ishlab chiqish maqsadida inspeksiyaning markaziy apparati va hududiy bo'limlarining korrupsiyaga qarshi kurashish bo'yicha baholashdan o'tkazildi.

Tasdiqlangan Korrupsiyaviy xavf-xatarlar Xaritasi hamda inspeksiyaning markaziy apparati va hududiy bo'limlarining korrupsiyaga qarshi kurashish DASTURI ijrosini ta'minlash bo'yicha tegishli ishlar olib borilishi belgilab olindi.

Shuningdek, O'zbekiston Respublikasi Prezidentining 2021-yil 16-iyundagi "Davlat organlari va tashkilotlarning faoliyati ochiqligini ta'minlash, shuningdek, jamoatchilik nazoratini samarali amalga oshirishga doir qo'shimcha chora-tadbirlar to'g'risida"gi PF-6247-sonli Farmoni ijrosini ta'minlash borasida ochiq ma'lumotlar portali va inspeksiyaning rasmiy veb-sayti sahifasiga ma'lumotlar joylashtirib borildi.

Inspeksiyaning markaziy apparati hamda hududiy bo'limlarida korrupsiyaga qarshi kurashish bo'yicha tizimli ravishda tadbirlar amalga oshirib kelindi. Jumladan, **2025-yilning I choragi** davomida markaziy apparatda **6 marotaba** seminar-trening va yig'ilishlar o'tkazilgan hamda veb sayt va boshqa elektron axborot vositalarida joylashtirilgan bo'lsa, hududiy bo'limlar tomonidan **53 marotaba** seminarlar o'tkazilgan.

Bundan tashqari, Inspeksiyaning hududiy bo'limlari tomonidan **17 marotaba** og'zaki huquqiy targ'ibot (seminar)lar hamda **13 marotaba** inspektorlarga huquqiy bilim va ko'nikmalar berish bo'yicha yig'ilish-seminar va treninglar tashkil qilingan.

Korrupsiyaga qarshi kurashishga oid bo'lgan **44 ta** ko'rgazmali targ'ibot materiallari tarqatilgan.

Hisobot davrda inspeksiyada korrupsiyaga qarshi kurashishga oid qonunchilik hujjatlarining buzilishiga yo'l qo'yilmadi.

**II. Siyosat va tartib-taomillar**

O‘zbekiston Respublikasi Prezidentining 2020-yil 29-iyundagi PF-6013-son “O‘zbekiston Respublikasida korrupsiyaga qarshi kurashish tizimini takomillashtirish bo‘yicha qo‘shimcha chora – tadbirlar to‘g‘risida”gi Farmoni ijrosini ta‘minlash hamda inspeksiya tizimida korrupsiyaga qarshi ichki nazorat tizimini joriy etishning ustuvor vazifalarini o‘z vaqtida, to‘liq va sifatli amalga oshirish maqsadida Agentlik tomonidan ishlab chiqilib tavsiya etilgan, BMT TDning “O‘zbekistonda samarali, hisob beruvchi va shaffof boshqaruv institutlari orqali korrupsiyaga qarshi kurashish” loyihasi bilan birgalikda ISO 37001:2016 korrupsiyaga qarshi standartlardan kelib chiqib, inspeksiyada korrupsiyaga qarshi ichki nazorat tizimini joriy etuvchi ichki idoraviy hujjatlar ishlab chiqilib, qabul qilingan.

Jumladan, Inspeksiyaning 2024-yil 26-apreldagi **230-sonli buyrug‘i** bilan korrupsiyaga qarshi kurashish bo‘yicha Siyosati (1-ilova), korrupsiyaviy xavf-xatarlarni baholash Uslubiyoti (2-ilova), manfaatlar to‘qnashuvini boshqarish bo‘yicha Nizom (3-ilova), aloqa kanallari orqali korrupsiyaviy xatti-harakatlar to‘g‘risida kelib tushgan xabarlarni qabul qilish va ko‘rib chiqish Reglamenti (4-ilova), xodimlarning etika va korrupsiyaga qarshi kurashish sohasida o‘qitilishini tashkil qilish bo‘yicha Yo‘riqnoma (5-ilova), kontragentlarni tekshirishga oid Yo‘riqnoma (6-ilova), ishga qabul qilinayotgan nomzodlarni tekshirish bo‘yicha Yo‘riqnoma (7-ilova), Korrupsiyaga qarshi tartib-taomillarning samaradorligini monitoring va nazorat qilish Uslubiyoti (8-ilova), korrupsiyaga qarshi kurash tizimining holati to‘g‘risidagi hisobotni shakllantirish va taqdim etish bo‘yicha Nizom (9-ilova), xodimlarning korrupsiyaviy xatti-harakatlari va odob-ahloq qoidalarini buzish holatlari ustidan xizmat tekshiruvlari o‘tkazish bo‘yicha Reglamenti (10-ilova) tasdiqlangan.

Buyruq bilan barcha xodimlar tanishtirilgan va tasdiqlangan ichki idoraviy hujjatlar talablari egallab turgan lavozimi va bajarayotgan funksiyasidan qat‘iy nazar Inspeksiyaning barcha xodimlari uchun birdek amal qilishi belgilab qo‘yilgan. Ushbu buyruq Inspeksiya markaziy apparati va barcha hududiy bo‘limlarining xodimlariga yetkazilgan.

Shuningdek, Inspeksiyaning Inson resurslarini rivojlantirish va boshqarish bo‘limiga inspeksiyaga ishga kirayotgan har qanday shaxs mazkur ichki idoraviy hujjatlar bilan imzo chekkan holda tanishishini, ularning qonun-qoidalariga rioya qilishlarini ta‘minlash maqsadida yo‘lga qo‘yilgan.

### **III. Xavf-xatarlarni baholash<sup>1</sup>**

Korrupsiyaga qarshi kurashish agentligining e-anticor.uz platformasi orqali korrupsiyaviy xavf-xatarlar Xaritasini ishlab chiqish maqsadida inspeksiyaning

---

<sup>1</sup> Bo‘lim faqat har yillik hisobot davrida to‘ldiriladi. Mazkur bo‘limda Tashkilot tizimida korrupsiyaviy xavf-xatarni baholashni o‘tkazish uslubiyotiga muvofiq amalga oshirilgan xavf-xatarlarni baholash natijalari bo‘yicha tahliliy axborot aks ettiriladi.

markaziy apparati va hududiy bo'limlarining korrupsiyaga qarshi kurashish bo'yicha baholashdan o'tkazildi.

Shuningdek, aniqlangan korrupsiyaviy xavf-xatarlarni minimallashtirish bo'yicha Dastur ishlab chiqilgan va korrupsiyaviy xavf-xatarlarga eng ko'p moyil bo'lgan lavozimlar ro'yxati shakllantirilgan.

2024-yil bo'yicha Korrupsiyaviy xavf-xatarlar Xaritasiga muvofiq korrupsiyaviy xavf-xatarlarning toifalari markaziy apparat va hududiy bo'linmalar bo'yicha jami **59 ta** bo'lib, shundan, **25 tasi o'rta** va **34 tasi past** deb baholangan.

Joriy yilda Inspeksiyada korrupsiyaviy xavf-xatar **o'rta bo'lgan 25 ta** funksiyada ko'rsatilgan korrupsiyaviy xavf-xatarlarni kamaytirish yuzasidan baholashdan o'tkazilib, platforma orqali yuborildi.

#### **IV. Amalga oshiriladigan korrupsiyaga qarshi kurashish tartib-taomillar Manfaatlar to'qnashuvini tartibga solish**

2025-yil I choragi davomida Inspeksiyadagi mavjud shtat birliklarida faoliyat yuritayotgan barcha (2025-yil 31-mart holatiga **323 nafar** xodim) boshqaruv xodimlari yillik manfaatlar to'qnashuvini deklaratsiyalash tartib-taomilidan o'tkazilmoqda. Jumladan, boshqaruv xodimlari markaziy apparat **46 nafar** va hududiy bo'limlarda **277 nafarni** tashkil etadi. Shuningdek, 2025-yilning I choragi davomida lavozimga qabul qilingan **217 nafar (21 ta** boshqaruv va 6 ta texnik) xodim ishga qabul qilish jarayonida deklaratsiya to'ldirilgan.

#### **Korrupsiyaga qarshi qoidalarni Tashkilot sharnomalariga kiritish**

Korrupsiyaga qarshi qoidalari Inspeksiyaning **mehnat shartnomalariga** hamda **xo'jalik shartnomalariga kiritilgan.**

Joriy yilning hisobot davrida **35 ta** shartnomalar to'gridan-to'g'ri ya'ni O'zbekiston Respublikasi Prezidentining 2018-yil 27-sentabrdagi "O'zbekiston Respublikasining "Davlat xaridlari to'g'risida"gi qonunini amalga oshirish chora-tadbirlari to'g'risida"gi PQ-3953-son qarori asosida amalga oshirilgan. Yagona yetkazib beruvchilar bilan **11 ta** shartnomalar tuzilgan.

Bundan tashqari, Inspeksiyaning 2025-yil 1-aprel kuni holatiga ko'ra xarid.uzex.uz va xt-xarid.uz platformalari orqali **43 ta** shartnomalar tuzilgan.

Barcha shartnomalar Transport nazorat inspeksiyasi boshlig'ining 2024-yil 23-avgustdagi "Transport nazorat inspeksiyasida"da davlat xaridlarini amalga oshirishni tartibga solish to'g'risida"gi **571-sonli buyrug'iga** asosan amalga oshirilishi belgilab qo'yilgan.

#### **Kontragentlarni tekshirish**

Hisobot davrida kontragentlar bo'yicha doimiy tekshiruvlar o'tkazilgan. Inspeksiyaning kontragentlar bilan huquqiy munosabatga kirishishga ehtiyoj bo'lgan vaqtda **11 ta** kontragentlar tekshiruvdan o'tkazilgan. Tekshiruvlar natijasida ijobiy xulosa olgan kontragentlar bilan shartnomalar tuzilgan.

### **Ishga nomzodlarni tekshirish**

Inspeksiya tizimiga ishga kirish uchun nomzodlar ustidan tanlov komissiyasi tomonidan 2025-yilning I choragi davomida lavozimga qabul qilingan 27 nafar (21 ta boshqaruv va 6 ta texnik) xodim ishga yangi qabul qilinayotganda **13 marotaba** tekshiruvlar o'tkazilgan. Hisobot davrida inspeksiya **17 nafar** (hududiy bo'limlar bilan birga) boshqaruv xodimi Davlat xizmatini rivojlantirish agentligi hamkorligida e'lon qilingan mustaqil, ochiq tanlov asosida ishga qabul qilindi. Nomzodlarning muqaddam ishlagan joylaridan ijobiy tavsifnomalar olindi. Shuningdek, Yagona interaktiv davlat xizmatlari portali orqali inspeksiyaning shaxsiy kabinetida nomzodlarning ruhiy kasalliklar bo'yicha dispanser hisobida turishi yoki turmasligi, narkologiya bo'yicha dispanser hisobida turishi yoki turmasligi va sudlanmaganlik haqida ma'lumotlari tekshirilgan.

### **V. Ta'lim va kommunikatsiya**

Transport nazorati inspeksiya faoliyati samaradorligini oshirish korrupsiyaga qarshi kurashishni tashkil etish bo'yicha 2025-yil uchun "Yo'l haritasi" tasdiqlangan. Mazkur Yo'l xaritasiga muvofiq xodimlarining korrupsiyaga qarshi kurashish sohasidagi huquqiy bilimlari darajasini oshirish, korrupsiyaga qarshi murosasiz munosabatda bo'lishini ta'minlash maqsadida O'zbekiston Respublikasi Huquqni muhofaza qilish akademiyasi tomonidan tashkil etilgan **12 soatlik** "Korrupsiyaga qarshi kurashish va manfaatlar to'qnashuvini bartaraf qilish masalalari" o'quv kursida qatnashib malakasini oshirish maqsadida Inspeksiyaning barcha xodimlarini ro'yxati taqdim qilingan. O'quv kurslari joriy yilning aprel-may oylarida o'tkazilishi rejalashtirilgan.

Bundan tashqari, O'zbekiston Respublikasi Transport vazirligi huzuridagi Transport sohasi kadrlarini qayta tayyorlash va malakasini oshirish instituti tomonidan Transport nazorati inspeksiya avtomobil transportida yo'lovchi va yuk tashuvlarini nazorat qiluvchi **28 nafar** inspektorlarni (*har oyda har bir viloyatdan 2 nafardan jami 28 nafar xodim*) malakasi oshirildi.

Inspeksiyaning barcha xodimlarini xonalariga korrupsiyaga qarshi axborot plakatlar yopishtirildi. Korrupsiyaga qarshi kurashish skrinsvayerlar tayyorlanib ishchi kompyuterlar ekraniga qo'yildi. Inspeksiyada bir oyda ikki marotaba o'tkazib kelinayotgan siyosiy-ma'rifat soatlarida korrupsiyaga qarshi kurashish bo'yicha reja-jadval tasdiqlandi.

2025-yil bo'yicha 3-aprel kuni Jamoatchilik kengashining yig'ilishi o'tkazilishi belgilab olingan. Rejalashtirilgan ushbu yig'ilishda Inspeksiyada korrupsiyaga qarshi kurashish hamda manfaatlar to'qnashuvi holatlari kelib chiqishini oldini olish borasida amalga oshirilayotgan ishlarning samaradorligi, shuningdek, fuqarolik jamiyati vakillari uchun O'zbekiston Respublikasi Prezidentining 2021-yil 16-iyundagi "Davlat organlari va tashkilotlarining faoliyati ochiqligini ta'minlash, shuningdek, jamoatchilik nazoratini samarali amalga oshirishga doir qo'shimcha chora-tadbirlar to'g'risida"gi 6247-son Farmoni yuzasidan amalga oshirilayotgan ishlar borasida olib boriladi..

## **VI. Korrupsiyaviy xatti-harakatlar va huquqbuzarliklar to'risidagi xabarlar**

Inspeksiya boshlig'ining 2024-yil 10-oktabrdagi "Korrupsiyaga oid huquqbuzarlik haqida xabar bergan yoki korrupsiyaga qarshi kurashishga boshqa tarzda ko'maklashgan shaxslarni rag'batlantirish tartibi to'g'risida" **709-sonli buyrug'i** tasdiqlandi. Ushbu buyruq bilan korrupsiya va manfaatlar to'qnashuvi holatlari kelib chiqishini oldini olgan shaxslarni rag'batlantirish tartibi ishlab chiqishdi. (Vazirlar Mahkamasining 829-sonli qaroriga muvofiq).

Inspeksiyada korrupsiyaga oid huquqbuzarliklar haqida tezkor xabar berish imkoni beruvchi aloqa kanallari, maxsus axborot portallari, ijtimoiy tarmoqlardagi rasmiy sahifalar, ishonch telefoni (71) 202-05-01 (**515**) faoliyati yo'lga qo'yilgan.

Jumladan, Inspeksiyaning rasmiy sayti (<https://uztn.uz/>), telegram kanali (<https://t.me/Uztransnazorat>), ijtimoiy tarmoqlarda (<https://www.facebook.com/uztnuz/>), ([https://www.instagram.com/transport\\_nazorat\\_inspeksiyasi?igsh=YzljYTk1ODg3Zg==](https://www.instagram.com/transport_nazorat_inspeksiyasi?igsh=YzljYTk1ODg3Zg==)) o'z sahifalarini yo'lga qo'ygan.

Korrupsion holatlar haqida xabar berish uchun elektron pochta manzili: ([antikorrupsiya@uztn.uz](mailto:antikorrupsiya@uztn.uz)) hamda qayta aloqa boti ([@anticorruption\\_uztn\\_bot](https://t.me/anticorruption_uztn_bot)) tashkil qilingan.

Hisobot davrida inspeksiya xodimlarning korrupsiyaviy xatti-harakatlari, manfaatlar to'qnashuvi, korrupsiyaga qarshi boshqa qonunbuzarliklar bilan bog'liq masalalar to'g'risidagi aloqa kanallari orqali murojaat yoki xabarlar kelib tushmagan. Korrupsiyaga qarshi qonunchilik buzilganligi aniqlanmagan. Xizmat tekshiruvi o'tkazilmagan.

## **VII. Monitoring va nazorat**

Markaziy apparat bo'limlari va hududiy bo'limlarda mavjud korrupsiyaga qarshi talablar, nazorat tadbirlari o'tkazish bo'yicha bir yoki bir nechta xavfli jarayonlarga nisbatan korrupsiyaga qarshi nazorat davriy oraliqda, Inspeksiyaning korrupsiyaga qarshi monitoring va nazorat rejasiga muvofiq har chorakda kamida 1 (bir) marta amalga oshirilishi bo'yicha reja-jadval ishlab chiqildi va tasdiqlandi.

Nazorat tadbirlari belgilangan tartibda har chorakda o'tkazib borilmoqda.

### **VIII. Aniqlangan qoidabuzarliklar va ularga ta'sir choralari**

Inspeksiyada korrupsiyaga qarshi kurashish to'g'risidagi talablarning buzilganligi holatlari aniqlanmagan.

### **IX. Xulosalar**

Inspeksiyada korrupsiyaga qarshi kurashish tizimi, uning siyosati xodimlarga yetkazilgan, mazkur yo'nalishda xodimlar malakasini oshirish tizimi samarali tashkil etilgan. Inspeksiya tizimida markaziy apparat va hududiy bo'linmalarda korrupsiyaga qarshi kurash choralarni kuchaytirish, shu yo'nalishda videoroliklar, plakatlar, tarqatma materiallar, xodimlar o'rtasida so'rovnomalar o'tkazish muntazam yo'lga qo'yilgan.

### **X. Korrupsiyaga qarshi kurash tizimini yanada rivojlantirish bo'yicha takliflar va tadbirlar rejasi**

2025-yil davomida Inspeksiya tizimida markaziy apparat va hududiy bo'linmalarda korrupsiyaga qarshi kurash bo'yicha choralarni kuchaytirish, noan'anaviy tadbirlarni amalga oshirish, shu yo'nalishda videoroliklar, plakatlar, tarqatma materiallar, so'rovnomalar o'tkazib borish rejalashtirib olingan.

**Metodologiya bo'limi boshlig'i**  
(korrupsiyaga qarshi kurashish yuklatilgan)



**O'.Ochilov**

01.04.2025 y